

1943 nr. 20 26. febrúar**Lög um búfjártryggingar**

Tóku gildi 24. maí 1943 (12 vikur). Breytt með: L. 90/1952 (tóku gildi 30. des. 1952), L. 20/1954 (tóku gildi 1. júlí 1954), L. 10/1983 (tóku gildi 25. mars 1983), L. 19/1991 (tóku gildi 1. júlí 1992 nema 1. og 3. mgr. 29. gr. sem tóku gildi 17. apríl 1991), L. 116/1993 (tóku gildi 1. jan. 1994; *EES-samningurinn*: IX. viðauki), L. 84/1998 (tóku gildi 1. jan. 1999), L. 126/2011 (tóku gildi 30. sept. 2011).

Ef í lögum þessum er getið um ráðherra eða ráðuneyti án þess að málefna svið sé tilgreint sérstaklega eða til þess vísað, er átt við **sjávarútvegs- og landbúnaðarráðherra** eða **atvinnuvega- og nýsköpunarráðuneyti** sem fer með lög þessi.

■ 1. gr.

□ Stofna skal sérstaka deild við Brunabótafélag Íslands og undir stjórn þess, er nefnist Búfjártryggingardeild.

■ 2. gr.

□ [Verkefni búfjártryggingadeildar er að selja og annast váttryggingu búfjár gegn vanhöldum og slysum, sbr. 3. gr.]¹⁾

¹⁾ L. 116/1993, 28. gr.

■ 3. gr.

□ [Skylt er að tryggja ...¹⁾ gegn hvers konar vanhöldum kynbótanaut, kynbótahesta og kynbótahrúta, sem notaðir eru í félögum eða á kynbótabúum, sem styrks njóta af opinberu fé. Váttryggingarupphæð búfjár skal fara lækkandi, er það eldist og rýrnar að verðgildi. Ákvæði þar að lútandi skulu sett með reglugerð. Tryggingartími búfjár skal minnst vera árlangt í senn.]²⁾

¹⁾ L. 116/1993, 28. gr. ²⁾ L. 90/1952, 1. gr.

■ 4. gr.

□ [[Heimilt er að tryggja gegn venjulegum vanhöldum og slysum:]¹⁾

a. Einstaka gripi: Hróta, sem hlotið hafa fyrstu verðlaun, naut, sem hlotið hafa fyrstu eða önnur verðlaun, og kynbótahesta, sem hlotið hafa fyrstu verðlaun á sveitasýningum eða héraðssýningum, enda nái ekki skyldutryggingarákvæði 3. gr. til þessara gripa.

b. Ær í kynbótabúum og sauðfjárræktarfélögum, sem styrks njóta af opinberu fé.

c. Heil kúabú, en þó eigi gegn kálfleysi.

d. Heil sauðfjárbú gegn vanhöldum og slysum, er nema meiru en 5% á ári. Þar undir telst lambalát fram að sauðburðarbyrjun, en eigi önnur lambavanhöld.

□ ...¹⁾²⁾

¹⁾ L. 116/1993, 28. gr. ²⁾ L. 90/1952, 2. gr.

■ 5. gr.

□ [Váttryggingarupphæð kynbótagripa, sem tryggðir eru skv. 3. gr., ákveður váttryggjandi, en þó ekki yfir þreföldu skattmatsverði.

□ Váttryggingarupphæð gripa, sem tryggðir eru skv. 4. gr. a-lið, ákveður váttryggjandi, og má hún vera hæst tvöfalt skattmatsverð.

□ Váttryggingarupphæð sauðfjár, sem tryggt er skv. 4. gr. b-lið, má vera hæst eitt og hálf skattmatsverð.

□ Þeir bændur, sem tryggja allt sitt búfé og hafa ekki orðið fyrir tjóni, sem bætur hafa verið greiddar fyrir skv. 4. gr. c- og d-lið í 2 ár samfelt, fái 10% lækkun á tryggingargjöldum og á sama hátt 20% lækkun eftir 5 ár.

□ Váttryggingarupphæð gripa og sauðfjár, sem tryggt er samkvæmt 4. gr. c- og d-lið, skal vera skattmatsverð.

□ Gjaldlagi á iðgjöldum er samtímis því, er tryggingar eru skráðar.]¹⁾

¹⁾ L. 90/1952, 3. gr.

■ 6. gr. ...¹⁾

¹⁾ L. 20/1954, 133. gr.

■ 7. gr.

□ Til vanhalda og slysa skv. 3. og 4. gr. teljast dauðsföll af sjúkdómum og slysum á meðan hinir váttryggnu gripir eru í gæslu, hvort sem er í húsi eða í heimahögum, eftir því sem nánar verður tiltekið í reglugerð.

■ 8.–9. gr. ...¹⁾

¹⁾ L. 116/1993, 28. gr.

■ 10. gr.

□ Váttryggingar á búfé gilda til þess tíma, sem tiltekið er í váttryggingarskránni.

■ 11. gr.

□ ...¹⁾

□ [Nú verður ágreiningur milli váttryggingafélags og tjónþola um rétt og skyldu til bóta eða um upphæð bótanna og skal ágreiningnum þá skotið til gerðardóms þriggja manna. Nefni til sinn mann hvor aðili, en viðkomandi dómari oddamanninn. Úrskurður gerðardómsins er fullnaðarúrskurður. Skaðabætur greiðast ekki af hendi fyrir en tjón er að fullu sannað og metið.]¹⁾

¹⁾ L. 116/1993, 28. gr.

■ 12. gr.

□ Nú er búfé, sem váttryggt er samkvæmt lögum þessum, veðsett, og nær þá veðrétturinn einnig til váttryggingarfjárins.

■ 13. gr. ...¹⁾

¹⁾ L. 116/1993, 28. gr.

■ 14. gr.

□ [[Ráðherra]¹⁾ getur með reglugerð,²⁾ að fenginni umsögn [Fjármálaeftirlitsins],³⁾ sett nánari ákvæði um framkvæmd laga þessara.]⁴⁾

¹⁾ L. 126/2011, 18. gr. ²⁾ Rg. 79/1953, sbr. 115/1954. ³⁾ L. 84/1998, 17. gr. ⁴⁾ L. 116/1993, 28. gr.

■ 15. gr.

□ Brjótí váttryggjandi lög þessi eða reglugerð og skilyrði, sem sett eru samkvæmt þeim, varðar það réttindamissi til skaðabóta eftir málavöxtum, svo sem reglugerð tiltekur hennar ...¹⁾

¹⁾ L. 10/1983, 26. gr.

■ 16. gr. ...¹⁾

¹⁾ L. 19/1991, 194. gr.